

Kereyti
ya

1



Buka ekgolo ya dipalenyana



basic education

Department:
Basic Education
REPUBLIC OF SOUTH AFRICA

SESOTHO

4

Buka

Tsela ya ho sebedisa Buka e Kgolo ena:



Dipale tse bukeng ena:



1 Dikolobe tse nyenyane tse tharo



2 Sethole se senyenyan se sekgubedu

1

13

Jwaloka titjhere o tla hloka ho rala le ho etsa tokiso ya mosebetsi wa palo e kopanetsweng le sehlopha sa hao. Ka tlwaelo ha titjhere e etsa palo e kopanetsweng, titjhere e sebetsa le bana bohole, empa ha sehlopha se le seholo haholo, ho molemo ho sebetsa le sehlotshwana kapa karolo ya sehlopha. Ho hlokomelwe ho tiisa ho netefatsa hore bana ba dula mmoho mme ba bona Buka e Kgolo hore ba kgone ho bona se ngotsweng.

Nakong ya palo e kopanetsweng ya Buka e Kgolo bana ba ithuta ho tshwara buka, ho e tshwara ka mokgwa o nepahetseng,, ho phetla maqephe ka mokgwa o nepahetseng. E hodisa tsebo ya sethato ya tsebo ya buka- khabara, bokapele, bokamorao le sehlooho. E tataisa le kamoo tsela ya palo e etsahalang ka teng mme e bohlokwa bakeng sa tswelliso pele ya bana ya ho mamela, ho bua, ho bala, ho nahana, le ho rarolla mmoho le bokgoni ba ho ngola bo batlahalang ho CAPS:

- Ho hodisa bokgoni ba ho mamela le ho bua.
- Ho hodisa bokgoni bo hlalhellang ba ho bala.
- Ho araba dipotso paleng.
- Ho taka kapa ho tshwantshisa pale.
- Ho sebedisa ditshwantsho ho noha hore pale e bua ka eng.
- Ho sebedisa palo e kopanetsweng e le motheo wa ho ngola ho arolelanwang.

Ho itokisetsa nako ya palo e kopanetsweng

- Netefatsa hore bana bohole ba bona buka. Ha sehlopha sa hao se le seholo, sebetsa le sehlotshwana se senyenyan.
- Ho tla thusa ho emisa buka hore o se e tshware ha o ntse o bala. (Bona ditaelo tsa ho emisa buka khabareng e kamorao.)
- Sebedisa rula kapa thupa ho latella mantswe ha o ntse o bala.
- Ha o batla ho bonahatsa mantswe a kgethehileng, o ka sebedisa disitiki nota pela lenseswe ho le bonahatsa, kapa wa iketsatsa fensetere ya mejiki'. Sebedisa pampiri e kgutlonne mme e nyenyane e kgutlonne e sehwe mahareng a e kgolo. Nka e kgolo mme o e behe senglweng hore ho bonahale lenseswe le le leng feela.

Mokgahlelo wa pele wa palo e kopanetsweng

Mokgahlelo wa pele o tadihana le ho natefelwa le 'tadimo' ya pele ya sengolwa, mme bana ba fana ka maikutlo a bona ka sengolwa.

- Phetla pale eo ba tlang ho e bala. Bua ka ditshwantsho.
- Kopa bana ba nohe pale ka sehlooho le ditshwantsho.
- Pele ho balwa ba tsebise mantswe a thata paleng.
- Etsa dikarete tsa mantswe ho tsebisa tlotlontswe e ntjha.
- Bala pale, o sebedisa sefahleho le ho phahama ho fapaneng ha lenseswe. Sebedisa matsoho le sefahleho.
- Latela mongolo ha o ntse o bala ka ho supa ka rula kapa thupa mantswe hore bana ba bone seo o se balang le ho se amanya le medumo leqepheng. Sena se tla ba thusa le ho bona tsamaiso ya ho bala ho tloha ho le letshehadi ho isa ho le letona le ho tloha hodimo ho leba fatshe.
- Sebedisa sena e le monyetla wa ho ba tsebisa 'puo ya buka' jwaloka: mantswe, polelo, leqepheng, mongodi, sehlooho jl.
- Ha bana ba be le seabo paleng ka ho pheta dipolelo tse iphetang(mohlala: "Matha, matha, matha ka lebelo, o ke ke wa ntshwara- ke monna wa borotho ba kgemere!")
- Pale e le nngwe e balwe makgetlo a mabedi ho isa ho a mararo ho neha bana monyetla wa ho bina mantswe, ho tshwantshisa, le ho bolela pale ka mantswe a bona.

Mokgahlelo wa bobedi wa palo e kopanetsweng

- Mokgahlelong wa bobedi ho sebediswa sengolwa sona se sebedisitsweng pele feela kgatello e le ho baleng mme titjhere e sebedisa dipuisano tse teng ho hodisa tlotlontswe ya kutlwisiso, bokgoni ba ho rarolla le seboleho sa sengolwa (thuto-puo, matshwao a puo jl)
- Ho ho wena , titjhere ho tlisa bana ho tadimo e shebaneng le tse latelang: kgopolo ya ho ngola, seboleho sa sengolwa, medumo ya puo, seboleho sa puo, ditsela tsa ho kgetholla mantswe le kutlwisiso maemong a fapaneng (dipotso tsa puo- phara, ho hlopholla, ho akanya, ho sekaseka le kananelo)


Mokgahlelo wa boraro wa palo e kopanetsweng

- Mokgahlelong wa boraro wa palo e kopanetsweng, bana ba ipalle sengolwa ka bo bona mme ba etse mosebetsi wa molomo, ho etsa le ho ngola ho itshetlehileng senglweng.
- Moo ho kgonehang, sengolwa sa Palo e Kopanetsweng se lebise ho Ho Ngola ho Kopanetsweng moo titjhere e bontshang ho ngola sengolwa mme bana ba qapa bongodi ba sengolwa ha titjhere e ba tataisa ebile e ngola seo ba se tjhong. Sena se thusa ho lokisetsa bana mosebetsi wa ho ingolla mesebetsi ya bona.

1

Dikolobe tse nyenyane tse tharo







Dikolobe tse tharo tse nnyane di
tlohela lehae. Di batla ho aha matlo a
tsona.




**"Sala hantle, mme, re ilo dula matlong
a rona" tsa realo.**

Dikolobe tsa
emisa ho ba
le pikiniki.




Phiri e bona dikolobe. E lapile haholo.
E batla ho di ja ka tinare.

Kolobe ya pele
e aha ntlo
ka jwang.




Kolobe ya
bobedi e
aha ntlo ka
dithupa.

Kolobe ya
boraro e
aha ntlo ka
ditene.



Phiri e leka ho kena ka matlong.
Phiri e butswela ntlo ya jwang.






Yaba e butswela ntlo ya dithupa.
Dikolobe tsa balehela ho moholwane wa
tsona ntlong ya ditene.



Phiri e leka ho butswela ntlo ya ditene
empa e a hloleha.



Dikolobe tsa beha pitsa ya metsi hore
a bele setofong. Tsa ntoo e beha ka
tlasa tjhemele.


Phiri e theoha ka tjemele.



"Aaaa!" phiri e a hoeletsa. "Ho a tjhesa!"



Phiri ya tlolela ka ntle ho metsi yaba
e baleha ho ya ho ile.




Dikolobe tse tharo di a bina "ha re
tshabe Phiri e kgolo e mpe."

2

Sethole se senyenyane se sekgubedu



Ka tsatsi le leng, sethole se
senyenyane se sekgubedu sa
fumana tlhaku ya koro.




"Ke mang ya tla nthusa ho jala koro
ena?" sa kakatletsa.

"E seng nna," ha araba letata.

"E seng nna," ha araba letata.

"E seng nna," ha kgona fariki.




"Jwale ke tla jala ka bona," ha bolela
sethole se senyenyane se sekgubedu



Yaba se e jala ka bosona.



Tlhaku ya koro ya hola ya ba
semela se selelele.



"Ke mang ya tla nthusa ho seha
koro ena?" ha kakatletsa sethole se
senyenyane se sekgubedu.



"E seng nna," ha araba letata le
lenyenyané.

"E seng nna," ha araba tsuonyana.

"E seng nna," ha araba
fariki e nyenyane.



Yaba se e seha ka bosona.

Ha koro e se e seuwe, sethole se
senyenyane se sekgubedu sa botsa,
"Ke mang ya tla nthusa ho tlama
koro?"

"E seng nna," ha araba kgomo.

"E seng nna," ha bohola ntja.

"E seng nna," ha
ngaotsa la
katse.

Yaba se e
tlama ka
bosona.



Yaba sethole se senyenyane se
sekgubedu se a botsa, "Ke mang ya
tla nthusa ho sila koro?"



"E seng nna," ha lla namane.

"E seng nna," ha bohola ntjanyana.

"E seng nna," ha ngaotsa
ledinyane katse.



Yaba se e sila ka bosona.


Ha koro e se e sitswe e le folouru,
sethole se senyenyane se sekgubedu sa
botsa,

"Ke mang ya tla nthusa ho baka
borotho?"

"E seng nna," ha araba pere.

"E seng nna," ha lla nku.

"E seng nna," ha araba tonki.





Yaba se baka borotho ka bosona.



Ha borotho bo se bo bakilwe,
sethole se senyenyane se
sekgubedu sa botsa, "Ke mang ya
tla nthusa ho ja borotho?"

"Re tla o thusa," ha araba
diphoofolo tsohle.

"Tjhee, le ke ke," ha bolela sethole
se senyenyane se
sekgubedu.


"Ke tla bo
ja ka
bonna."



Sa bitsa ditsuonyana tsohle tsa
sona, "Tlong le je borotho bona."
Yaba di ja borotho ho fihlela di
kgora.



O tla ja mofufutso wa phatla ya hao!



O amohelwa letotong le bitswang Buka e Kgolo. Buka e Kgolo ena ke karolo ya tse ding tsa Rainbow Series, tse kenyelletsang dibuka-tshebetso, pokello, dibuka tsa dihlopha le diphousetara. Re tshepa hore o tla fumana dipale tsa mafuta tse kenyelletseng dipaleng tse robedi tsa Buka e Kgolo kereiting ena, di le bohlokwa ho ruteng ha hao mme le hore bana ba tla nafelwa ke kamano ya bona le palo e kopanetsweng.

CAPS bakeng sa boemo bo qalang e hlakisa Palo e Kopanetsweng e le e nngwe ya dikarolo tsa bohlokwa tsa tsela ya ho bala. Palo e Kopanetsweng hangata e nka nako ya pakeng tsa matsatsi a mabedi le a mane bekeng mme ngwana e mong le e mong a bala sengolwa se le seng. Dibuka-tshebetso le dibuka tsa dihlopha di loketse sepho sena.

Le ha ho le jwalo, palo e kopanetsweng ho sebediswa Buka e Kgolo e ngotseng ka ditlhaku tse kgolo ke tsela e ntla ya palo e kopanetsweng hobane bana ba kgona ho bona mantswe le ditshwantsho, mme ba kgona ho latela ha ho ntse ho balwa jwaloka tsela e tlwaelehileng ya ho pheta dipale malapeng. Ho bohlokwa hore bana ba dule pela Buka e Kgolo hore ba bone le ho bala sengolwa. Ditlhaku tse kgolo tsa dibuka tse kgolo di nehelana ka bokgoni ba ho balla bana ba bang ka lentswe le hodimo ka nako e le nngwe ka boiketlo maemong a phutholohileng.


Dibuka tse kgolo letotong lena di tla hlahisa bana tsebong ya dipale tse fapaneng, dithothokiso, diraeme le dipapadi hammoho le tlhahiso le dingolwa tsa ditshwantsho.

Ke boikarabelo ba hao, o le titjhere, ho neha dipale bophelo baneng hore maemo a ho nafelwa le ho thaba a be teng. Tshebediso ya Buka e Kgolo e o neha bokgoni ba ho bopa kamano ya ketso ya ho bala ka tsela e nafelang wena mmoho le bana. Re tshepa hore buka ena e tla o thusa ho etsa sena.

Dikgopololo tse ding tsa ho sebedisa Buka e Kgolo

- Sebedisa polasetiki e hlakileng e le moalo hodima Buka e Kgolo. Ho tla thusa hore bana le titjhere ba ngole hodima polasetiki.
- Ngola hodima moaloo hlakileng ka pene e phumolehang.
- Sebedisa tlelipi e kgolo ho tshwarahanya moalo o hlakileng le buka e kgolo.

ISBN 978-1-4315-3040-3



ISBN 978-1-4315-3040-3

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA

Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



Ikisetse seemisa sa Buka e Kgolo

O tla hloka:

- Khateboroto e nang le bophara bo lekanang le Buka e Kgolo e butsweng (594 mm) mme bolelel bo be makgetlo a 3 (1360 mm).
- Masking theipi.
- Ditlilipi kapa diphekese ho tshwara khateboroto mmoho.

Sebedisa masking theipi ho kopanya dikarolo tsa khateboroto.

Mena khateboroto ho etsa foreimi ya A mme o tsipelle bofatshe le sefahleho mmoho jwaloka ha ho bontshitswe setshwantshong se ka tlaase.

